

**Ured koordinatora za reformu javne uprave** (u daljem tekstu: Ured) Vrazova broj 9., 71 000 Sarajevo, kojeg zastupa koordinator za reformu javne uprave Doc dr. Dragan Ćuzulan (u daljem tekstu: Naručilac)

s jedne strane

i **Zamm media Consulting d.o.o. Sarajevo**, Hasana Kikića 13, Sarajevo, IDB: 4201233540005, kojeg zastupa direktor Muamer Muftić (u daljem tekstu: Izvršilac ugovora)

s druge strane

zaključuju sljedeći:

## **UGOVOR O KONSULTANTSKIM USLUGAMA**

### **Član 1.**

(Predmet ugovora)

Predmet ovog Ugovora je nabavka konsultantskih usluga za realizaciju projekta „Izgradnja kapaciteta za borbu protiv korupcije u strukturama državne službe u BiH“, a po prihvaćenoj Ponudi Izvršioca ugovora broj: 01-95/15 od 07.12.2015. godine koja je sastavni dio ovog Ugovora.

### **Član 2.**

(Obim usluga)

(1) Konsultantske usluge obuhvataju sljedeće:

- a) Komponenta I – Tematsko istraživanje javnog mnjenja, razvoj i implementacija programa obuke o problemu korupcije u javnoj upravi i to:
  - Izrada metodologije i strukture istraživanja javnog mnjenja o percepciji korupcije u javnoj upravi, analiza postojećeg normativnog i proceduralnog okvira za pitanja korupcije u javnoj upravi i sukobu interesa u državnoj službi
  - Realizacija tematskog istraživanja javnog mnjenja uz razvoj kapaciteta centralnih jedinica za informisanje/OSJ za njegovo provođenje
  - Dizajn i priprema programa obuke za borbu protiv korupcije, utvrđivanje sadržaja i materijala za obuku (na bazi tematskog istraživanja) - opšti program i program za „trenere“
  - Realizacija obuke za ciljne grupe državnih službenika. Razvijanje dva programa obuke – jedan za menadžere/rukovodeće državne službenike i drugi za „trenere“ (uključujući i službenike za informisanje i odnose s javnošću)

- b) Komponenta II – Izrada priručnika za zaposlene u organima državne službe/uprave u BiH i to:
  - Priprema priručnika u saradnji sa radnom grupom projekta
  - Izdavanje priručnika, distribucija i promocija
- c) Komponenta III: Provođenje javne kampanje i promovisanje projektnih aktivnosti i rezultata i to:
  - Priprema plana promotivnih aktivnosti, uključujući i javnu kampanju za borbu protiv korupcije
  - Implementacija plana promocije i antikorupcione kampanje
  - Evaluacija i analiza ispunjenja plana promocije i održavanje završne konferencije projekta
- d) Druge usluge u skladu sa opisom Projektnog zadatka iz Aneksa 11 ovog Ugovora i sadržajem Ponude Izvršioca

### **Član 3.** (Cijena)

- (1) Ukupna vrijednost za usluge iz člana 2. ovog Ugovora iznosi 464.490,00 KM (slovima: četiristotinešezdesetčetihiljadeičetiristotinedevadeset konvertibilnih maraka) sa porezom na dodanu vrijednost (PDV).
- (2) Cijena usluga iz prethodnog stava ovog člana uključuje:
  - a) Troškove angažiranja eksperata u iznosu od 297.000,00 KM (slovima: dvijestotinedevadesetsedamhiljadakonvertibilnihmaraka) u skladu sa honorarima eksperata utvrđenim u prihvaćenoj Ponudi Izvršioca ugovora.
  - b) Troškove usluga koji spadaju u kategoriju pratećih troškova u maksimalnom iznosu od 100.000,00 KM (slovima: stotinu hiljadakonvertibilnih maraka). Prateći troškovi za usluge su bliže opisani u tački 6.7 Projektnog zadatka koji predstavlja sastavni dio ovog Ugovora.
  - c) PDV za usluge iz tačke a) i tačke b) ovog stava u ukupnom iznosu od 67.490,00 KM (slovima: šezdesetsedamhiljadačetiristotinedevadesetkonvertibilnih maraka).
- (3) Plaćanje za usluge iz kategorije pratećih troškova, mora prethodno odobriti Naručilac po osnovu ispostavljenog pisanog zahtjeva Izvršioca ugovora, u svakom pojedinačnom slučaju gdje se traži trošenje ovih sredstva. Osnov za plaćanje usluga iz kategorije pratećih troškova predstavlja prihvaćena Ponuda i terminski plan projektnih aktivnosti koji će Izvršilac ugovora usaglasiti sa Naručiocem u periodu pripreme početnog izvještaja.



**Član 4.**  
(Realizacija Ugovora)

Konsultantske usluge će biti realizirane u skladu sa prihvaćenom Ponudom Izvršioca ugovora i elementima koji dodatno budu usaglašeni kroz početni izvještaj Izvršioca ugovora, a koji se podnosi na odobrenje Naručiocu na način i u vremenu koji su utvrđeni Projektnim zadatkom i u skladu sa Općim uslovima ovog Ugovora.

**Član 5.**  
(Mjesto izvršenja Ugovora)

Izvršilac ugovora će uslugu pružati u Bosni i Hercegovini na lokacijama kako je utvrđeno Projektnim zadatkom, pod uslovima i na način reguliran u Projektnom zadatku, odnosno prihvaćenoj Ponudi Izvršioca ugovora.

**Član 6.**  
(Obaveze Izvršioca ugovora)

Izvršilac ugovora je obavezan osigurati sve organizacijsko-tehničke pretpostavke za implementiranje projektnog zadatka u skladu sa zahtjevima Naručioca, i isti realizirati prema uslovima prihvaćenim u ponudi Izvršioca ugovora .

**Član 7.**  
(Garancija za dobro izvršenje posla)

- (1) Izvršilac je obavezan dostaviti Naručiocu garanciju za dobro izvršenje posla u iznosu od (10% od vrijednosti ugovora sa uračunatim PDV-om) 46.449,00 KM (slovima:četrdesetšesthiljadačetiristotinečetrdesetdevetkonvertibilnihmaraka) najkasnije 15 (petnaest) dana po potpisivanju Ugovora koja će glasiti na period od zaključenja ugovora do isteka ugovora + 30 dana (12 mjeseci + 30 dana).
- (2) Garanciju za dobro izvršenje posla potrebno je dostaviti u formi bezuslovne bankarske garancije.
- (3) Garancija za dobro izvršenje posla će služiti za pokrivanje svake štete i troškova koje Naručilac može imati ukoliko Izvršilac povredi Ugovor u periodu od zaključenja ugovora do isteka ugovora + 30 dana.
- (4) Pokriće iz garancije za dobro izvršenje posla ne oslobađa Izvršioca odgovornosti sve do namirenja stvarne štete.
- (5) Naručilac može u slučaju neispunjenja ili lošeg ispunjenja ugovornih obaveza od strane Izvršioca realizovati garanciju za dobro izvršenje posla, nakon što Izvršilac pisano obavijesti o propustima u realizaciji ugovornih obaveza i ostavi mu razuman rok za otklanjanje propusta.
- (6) Ukoliko Izvršilac ne dostavi garanciju za dobro izvršenje posla u roku iz stava (1) ovog člana ovaj Ugovor će se smatrati apsolutno ništavim shodno članu 72. stav 4. Zakona o javnim nabavkama BiH.

**Član 8.**  
(Sukob interesa)

Izvršilac ugovora nema pravo da zapošljava, u svrhu izvršenja ugovora o javnoj nabavci, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, i to u periodu cjelokupne realizacije ugovora.

**Član 9.**  
(Način i uslovi plaćanja)

- (1) Naručilac se obavezuje da će ugovoreni iznos za izvršene usluge iz člana 2. ovog Ugovora Izvršiocu ugovora isplatiti na **poslovni račun broj 1410010010240746.**
- (2) Plaćanja će biti izvršena u skladu sa Općim uslovima i dinamikom izvještavanja predviđenom projektnim zadatkom.

**Član 10.**  
(Porezi i carine)

- (1) Ukoliko Izvršilac ugovora nema sjedište u BiH, obavezan je imenovati poreskog zastupnika do momenta potpisivanja ovog Ugovora koji će u njegovo ime izvršiti obračun poreza na dodanu vrijednost (PDV) za predmetne usluge iz člana 2. ovog ugovora i preduzeti druge radnje u skladu sa članom 8. Pravilnika o registraciji i upisu u jedinstveni registar obveznika indirektnih poreza („Službeni glasnik BiH” broj 51/12).
- (2) Izvršilac ugovora i imenovani poreski zastupnik iz stava (1) ovog člana obavezni su dostaviti Naručiocu svu dokumentaciju koja se nalazi u njihovom posjedu, a koja je potrebna kako bi Naručilac mogao izvršiti povrat poreza na dodanu vrijednost (PDV).
- (3) Izvršilac ugovora i imenovani poreski zastupnik iz stava (1) ovog člana dužni su pružiti punu podršku svim aktivnostima Naručioca u cilju povrata poreza na dodanu vrijednost (PDV).

**Član 11.**  
(Izvještavanje)

- (1) Izvršilac ugovora će podnositi izvještaje u vremenu i na način kako je navedeno u Projektnom zadatku i Općim uslovima. Izvršilac ugovora je obavezan da dostavi finansijske izvještaje prema formatu koji će mu ugovorni organ dostaviti po potpisivanju ugovora u skladu sa internim Procedurama upravljanja finansijama PAR Fonda.
- (2) Naručilac zadržava pravo da u periodu pripreme početnog izvještaja sa Izvršiocom ugovora dodatno utvrdi formu i detaljniju sadržinu pojedinih izvještaja koji se podnose u sklopu ugovora.

